

შინაური საქმეები.

№ 21.

ფასი ერთი შაური

წლიური ფასი 4 მან.

წელიწადი გეხუთე.

ყოველ-კვირეული გაზეთი

კვირა, 3 ივნისი 1912 წელი

ყოველ-კვირეული გაზეთი

შინაური საქმეები

საქმე № 17) და თბილისში გამოცემულიან სომხის პაყარში, სიმონანგის შუქის მდებარეობა. გამოვა ყოველ თვეში ოთხი ნომერი.

გაზეთის ფასი:

წლიური ფასი:	წახ. წლით:	სამი თვით:	ერთი თვით:
4 მანეთი.	2 მანეთი.	1 მანეთი.	2 აბაზი.

ცალკე ნომერი ქუთაისში ერთი შაური.

ფულადი შემოსავალი და წლიური შემოსავლის შედარება ასე განაწილდეს: თვიდან 2 მ., და 1 ივნისი 2 მ. განცხადების ფასი წინა გვერდზე პეტრით სტროკონი ორი შაური, უკანასკნელზე 7 კ.

ადრესი: ქუთაისი: „შინაური საქმეების“ რედაქცია.

შინაური: 1) რას უნდა ხმარდებოდეს განსაკუთრებით ხატის სანთლის შემოსავალი—ხელისა; 2) საკითხი სულის უკვდავებაზე—ფი-პე ს-ძესი; 3) ყოვლადსამღვდლო დეონიძის მოგზაურობა სამეგრელოს ეკლესიების დასათვლიერებლად—N-სა; 4) სინამდვილე და ოცნება (რეფერატი ნათაძისა); 5) ჟურნალ-გაზეთებიდან; 6) შინაური მიმოხილვა—გულკეთილისა; 7) ნ. ღურთოვას რეცეპტი მენშიკოვის მიმართ; 8) ხმა სოფლიდან—Z-სა; 9) გრ. დიასამიძის შეკითხვა თფილისის სათავადაზნაურო კრებაზე; 10) წერილი რედაქციის მიმართ—პორფირი ჩხეტიანი; 11) ნეკროლოგი—მღ. კ. დანელიანი; 12) მადლობის გამოცხადება—მღ. ამბროსი კანდელაკისა.

რას უნდა ხმარდებოდეს განსაკუთრებით ხატის სანთლის შემოსავალი?

დღეს ბევრი სხვადასხვა დანიშნულება ეძლევა ხატის სანთლის შემოსავალს. ეკლესიებში აქედან იფარება სხვადასხვა გადასახადები, საბუთების ფასი, ეკლესიის მორთულობისა და სამკაულისთვის საჭირო გასაველი და სხვა., ხოლო თვით ქარხნისა და დუქნის მოგება ადგილობრივ სასულიერო სასწავლებლებს ხმარდება. ჩამოთვლილი საგნები არავისთვის უსარგებლონი არ არიან და მით უფრო საჭიროა ეკლესიის მხრით მათი დახმარება. მაგრამ ამასთან არ უნდა დავივიწყოთ კიდევ უფრო უსაჭიროესი საგანი, რომელიც ასჯერ უმეტესი ღირსია ჩვენი ყურადღებისა. ეს გახლავთ ხალხში სარწმუნოებრივ-ხნეობრივი წიგნებ—წიგნაკების და

გაზეთ-ჟურნალების უფასოთ ან ხელ მისაწდომ ფასათ მოფენა. ყველამ კარგათ იცის, თუ რა ნაკლულევეანებაა ჩვენში ასეთი წიგნებისა, მაგრამ ყველამ არ იცის, თუ რა ხალისით ეტანება ხალხი ასეთ გამოცემებს. ჯერ კიდევ ასეთი პირი, როგორც იყო მ. დეკ. დ. ლამბაშიძე ძალიან ექვობდა ხალხის ამნაირ სიხალისეში და ჩვენ წინააღმდეგ წერილში, შესახებ სახალხო ზნეობრივ-სარწმუნოებრივ წიგნაკების გამოცემისა, გვარწმუნებდა, რომ ხალხი არა თუ არაფერს იყიდის, უფასოთ მიწოდებულსაც არ წაიკითხავს; ასე რომ მუქათა დასარიგებელ წიგნებსაც არავინ კიდებს ხელს, არა თუ ერი, მღვდელიც კიო. ჩვენ თავიდანვე წინააღმდეგი ვიყავით ამ აზრისა და ვამტკიცებდით, რომ ხალხს სწყურია შესაფერ წიგნების კითხვა, თუმცა ხელ მოკლეობის გამო ვერ ყიდულობს. და თუ ასეთ წიგნებს მუქათა დაურჩევებთ, მადლობით მიიღებს და სიამოვნებით წაიკითხავს. ჩვენ არც მოვტყუებულვართ. ცოტა ხნის გამოცდილებამ დაგვარწმუნა, რომ ღვდელიც და ერიც სიამოვნებით და სიხარბით ეწაფება შესაფერ ზნეობრივ-სარწმუნოებრივ გამოცემებს. იმერეთის სარწმუნოებრივ-განმანათლებელ ძმობის უფასო გამოცემებს ყველა სიხარულით ღებულობს და კითხულობს კიდევ; აგრეთვე დიდი სიხარბით კითხულობს იმ მკირეოდენ წიგნაკებს, რომლებიც ამ ძმობამ ყ-დ სამღვდლო გიორგის ნებართვით და დახმარებით ეკლესიებს მიჰყიდა ხალხში საკითხავად. ყოველი კუთხიდან მოგვდის ახალ ახალი მოთხოვნილება ამ წიგნების ხელ მეორეთ გამოცემისა და ფართო გავრცელებისა ხალხში. ზოგიერთ მათგანს, როგორც გვარწმუნებენ, საყიდლათაც არ ერიდება ღარიბი სოფლის ხალხი და თხოულობს საკუთრებათ, ყველა ეს ცხადი მოწამეა იმისა, რომ ჩვენში, დაბალ ხალხში მაინც, არ გამქრალა ნაპერწკალი ზნეობისა, მოწამეა იმისა, რომ ხალხს სწყურია სარწმუნოებრივ-ზნეობრივი წიგნები. ამიტომ საჭიროა ფართოთ ვისარგებლოთ, ამ ხალხის წყურულით, საჭიროა დავაკმაყოფილოთ ეს წყურული და უპირველეს საშუალებათ ამისთვის უნდა მივიჩნიოთ ხატის

სანთლის შემოსავალი, როგორც კერძოთ ეკლესიებში, ისე სანთლის ღუქანსა და ქარხანაში. ამას მოითხოვს სამართლიანობაც და სარგებლობაც. სამართლიანობა მით, რომ სანთლის მოგება ხალხის ჯიბიდან ამოდის და მასვე უნდა დაუბრუნდეს სწავლა-დარიგება-აღზრდის სახით, სარგებლობა კი მით, რომ რამდენათ ხალხი სარწმუნოებრივ-ზნეობრივათ უფრო განვითარებულია, იმდენათ უფრო უყვარს მას ეკლესია იმდენათ უფრო ხშირათ დაიარება ტაძარში და მაშასადამე იმდენათ უფრო მეტ სანთელს ასაღებს თავის სარწმუნოებრივ მოთხოვნილებათა დასაკმაყოფილებლად. თუ ამ მხრივ შევხედავთ საქმეს, და რომ არ შევხედოთ, არ შეგვიძლია, უნდა მივიღოთ, რომ ეკლესიის შემოსავალი უმთავრესად წიგნებ-წიგნაკებით და ფურცლებით უნდა უბრუნდებოდეს ხალხს. იმედია ამ გარემოებას ყურადღებას მიაქცევს სამღვდლოება, რომლის ხელშია ეკლესიების შემოსავალი და ადგილობრივი ყ-დ სამღვდლონიც, რომელთა უფლებშია ამ საგანზე ნებართვა. საჭიროა ეხლავე, სანამ ხალხში არ გაციებულია სიხალისე ასეთი წიგნების კითხვისა, სიჭიროა, ეხლავე რაც შეიძლება მეტი, თანხა გადიღვას ხატის სანთლის შემოსავლიდან სახალხო საკითხავი წიგნების გასავრცელებლად.

იმერეთის სანთლის ღუქანს წელიწადში უკანასკნელი 10,000 მანეთი წმინდა მოგება რჩება; ამდენივე, თუ მეტი არა, მოგება შედის სოფლის და ქალაქის ეკლესიებს და განა დიდი დანაშაულობა იქნება, რომ 20-ათასი მანეთიდან, რომელიც ხალხს ეკლესიისთვის სანთლის სახით შემოუწირავს 5000 მანეთი უკანვე დაუბრუნოთ სარწმუნოებრივ-ზნეობრივ წიგნაკების სახით? ესევე უნდა ითქვას გურია სამეგრელოს ეპარქიაზედაც და ქართლ კახეთისაზედაც. ჩვენ იმედი არა გავაქვს, რომ ქართლ კახეთის ეპარქიამ როდესმე იფიქროს ამ საგანზე და სისრულეში მოიყვანოს. მაგრამ მაგიერათ სრული დარწმუნებული ვართ, რომ იმერეთში და გურია-სამეგრელოში დღეიდანვე შეუდგებიან ამ საქმეს, რის ხელმძღვანელად გამოჩნდებიან ყ-დ სამღვდლონი იმერეთისა და გურია

სამეგრელოსა, ხოლო მათი შეუფხვის ბრძანების აღმასრულებლად იმერეთის სარწმუნოებრივ-განმანათლებელი ძმობა. აყავნ! იყავნ!..... ხელი.

საკითხი სულის უკვდავება¹⁾.

(თარგმანი).

გაგრძელება

პსიხიკურ ატომიზმის თეორია უეჭველია განუზომლად მაღლა სდგას მატერიალისტების ტლანქ მოძღვრებაზე. ადვილი დასანახია, რომ მის წინააღმდეგ არაფითარი ძალა არ აქვს იმ იარაღს, რომელიც ჩვენ მატერიალიზმის წინააღმდეგ მივმართეთ. ეს ცოტაა, ის, როგორც სჩანს, სერიოზულ საფუძვლებზე ეყარება. ის ეყრდნობა ფაქტების ორ წყებაზე. მატერიის თვისებათა შესწავლამ გაამეფა მეცნიერებაში მეცნიერულ ბუნებითი ატომიზმი. ორდანიულ ცხოვრების შესწავლას არსად არ აღმოუჩენია რომ მატერიისაგან ორგანიზმების წარმოშობის დროს მათში შედიოდეს ახალი პსიხიკური დასაწყისი. ამ ფაქტების ორ რიგისაგან გამოდის დასკვნა, რომ პსიხიკური დასაწყისი იმყოფება მატერიაში—ატომებში. ასეთია საფუძველი ამ თეორიის სასარგებლოდ. მისი დამცველია ეხლანდელს დროში ცდილობენ გვაჩვენონ, რომ მას წარმატებით შეუძლია ახსნას სხვა და სხვა გვარი სულიერი მოვლენანი, როგორც ჩვეულებრივი, ისე პათოლოგიური, გიპნოტიური მოვლენები, შემეცნების გაყოფა და სხვა; ჩვენ მაინც ვფიქრობთ, რომ ამ თეორიის უძღურება ისე ადვილი გამოსააშკარებელია, როგორც ატომიურ თეორიისა. ეს თეორია არსებითად ძალიან მეტაფიზიკურია და იწვევს ყველა იმ იქვეს, რომლებსაც იწვევდა მეტაფიზიკების ძველი დუალისტური თეორიები. ამ თეორიით სული და მატერია განცალკევებული სუბსტანციებია ატომში მოქცეულნი. საკითხი მათ ურთიეთზე მოქმედების ან და ერთმანეთშორის დამოკიდებულების შესახებ უეჭველია მსგავსი

იქნება ყოველ საკითხისა სულის და ხორცის დამოკიდებულებაზე, რომელსაც მეტაფიზიკები ხსნიდენ ხოლმე ოკკაზიონალიზმის თეორიით, წინ განჩინებულ ჰარმონიით და სხვა. უეჭველია, რომ დამაკმაყოფილებელი ახსნა ამ საკითხისა შეიძლება მხოლოდ თუ დუალიზმიდან მონიზმზე გადავალთ, ესე იგი იმ მოსაზრებით, რომ ჩვენ გვაქვს საქმე არა ორ სუბსტანციასთან, არამედ ერთთან; და ვინაიდან მატერიალურ მოძღვრების განხილვამ დაგვანახა ჩვენ, რომ არ შეიძლება სული შევსწიროთ სხეულს, მაშასადამე, რჩება მხოლოდ მეორე შესაძლებლობა—სულს სხეული შევსწიროთ, ალვიაროთ, რომ ჩვენი პრობლემატიური ატომები მხოლოდ პსიხიკური ატომებია და რომ მათი ფიზიკური თვისება მხოლოდ ჩვენი სუბიექტიური მიმდევობაა მათ პსიხიკურ მოქმედებათა. ძალიან შესაძლებელია, რომ მომხრენი—ბევრნი მაინც ამ მომხრეთაგან—პსიხიკურ ატომიზმის თეორიისა დევთანხმებიან ამ შეხედულებას. ეს გაადვილებს საქმეს და უფრო ნათლად წარმოგვიდგენს თეორიას, თუმცაღა მას ვეღარ იხსნის. პსიხიკურ ატომიზმის თეორიით სულიერ-გონიერ არსებას ჰქმნის პსიხო—ფიზიკურ ანუ პსიხიკურ ატომების ინტერგაცია. უსაზღვრო მცირე პსიხიკურ ძალთა დიადი შეერთება გვაძლევს ნიუტონის და ლეიბნიცის გენიას. მაგრამ ეს თეორია უპირველეს ყოვლისა წინააღმდეგია იმ უეჭველ ფაქტისა, რომ თანასწორ პსიხიკურ ერთეულების ჯამს არასოდეს არ შეუძლია მოგვეცეს ჩვენ იმაზედ მეტი, რასაც გვაძლევს თითოეულ ერთეულთაგანი კერძოთ. ამ შემთხვევაში შეუძლებელია შედარება სულიერ მოვლენათა მატერიალურ მოვლენებთან. თუ თქვენ გაქვთ მანქანა, რომელიც უდრის ერთი ცხენის ძალას და შეაერთებთ ას ასეთ მანქანას, თქვენს განკარგულებაში იქნება ასი ძალა; თუ თქვენ აიღებთ საგანს, რომელიც სივრცეზე ერთი ფუთის სიმძიმით აქერს და შეაერთებთ ას ასეთს საგანს, მაშინ თქვენ მიიღებთ ძალას, რომელიც ასი ფუთის სიმძიმით დააქერს. მაგრამ წარმოიდგინეთ ასი ინდივიდუმი, რომელთაც ერთნაირი ცოდნა აქვთ, შეგიძლიათ თქვენ სთქ-

¹⁾ იხ. „შინაური საქმეები“ № 20.

ვით, რომ ყველა მათ ერთობ იციან ას-
ჯერ მეტი, ვინემ თითოულმა მათგანმა იცის
კერძოთ? არა, ყველა მათ ერთათ იმდენი იცი-
ან, რამდენიც თითოულმა მათგანმა. წინააღ-
მდეგ არითმეტიკის ძირითად თეორიისა, ჯამი აქ
უდრის თითოეულ მის შემადგენელ ნაწილს.
თუ ჩვენ წარმოვიდგენთ ას ინდივიდუუმს, რო-
მელთაც ერთნაირი მოსაზრების ძალა აქვთ,
მაშინ იძულებულნი ვართ აღვიაროთ, რომ
თითოეულ მათგანს შეუძლია გაარჩიოს ცნო-
ბილი საკითხი ისე, როგორც ასს ერთად. რასა-
კვირველია, პრაქტიკაში პირთა შორის ასეთ
აბსოლუტურ თანასწორობას ვერ შევხვდებით,
მაგრამ მაინც ვამჩნევთ საკმაო მოვლენას, მა-
ღალ შკოლებში, ზოგიერთ საზოგადოება-წრე-
ებში. თუ მოწაფეებს რომელიმე შკოლაში
ყველას კერძოთ არ შეუძლია მიცემულ აღლე-
ბრულ გამოცანის ახსნა, მაშასადამე ისინი
ვერც ყველა ერთად ახსნიან მას. ნამდვილად,
ინდივიდუუმები, ერთნაირ პირობებში ჩაყენე-
ბულნი, განსხვავდებიან ერთი მეორედან რა-
მოდენიმედ, როგორც ცოდნათა ჯამით ისე აზ-
როვნების ძლიერებითაც; აქედან რამოდენიმე
ვარიაციები სდგება, ასე რომ ინდივიდუუმების
ცოდნათა ჯამში უფრო მეტია, ვინემ თითოე-
ულ მათგანში კერძოთ, მაგრამ ინდივიდუ-
უმები, ესე იგი ატომები, ჩვენ მიერ გამოკვლე-
ულ თეორიაში ერთი და იგივეა და ამას-
თან უცვლელია, აქედან იმათგან შედგენილ
ჯამში არ შეიძლება მეტი იყოს, ვინემ თითო-
ეულ მათგანში კერძოთ. მაშასადამე, თუ ატო-
მი შეიცავს მსიხიკურ ძალთა უსაზღვრო პატარა
ჯამს, მაშინ იმდენადვე უსაზღვროდ პატარა
იქნება ჯამი მსიხიკურ ძალთა ატომების უსაზ-
ღვრო ღიდი რიცხვისა. ჩვენი მოსაზრების წინა-
აღმდეგ მსიხიკურ ატომიზმის თეორიის მომხრე-
ებს შეუძლიათ შემდეგი გვიპასუხონ. ისინი
გვეტყვიან, რომ შემეცნების და საზოგადოდ
სულიერ ძალთა ამაღლება დამოკიდებულია არა
ატომების რაოდენობისაგან, არამედ მათი
ურთიერთ დამოკიდებულობის და მათი ჯგუ-
ფად შეკრებისაგან. გიმალიის მთები შეიცავს
განუზომელ მეტ ატომების რაოდენობას, ვი-

ნემ მენდელეევის ანუ ჰელმგოცის ტვინი;
მაგრამ მაინც გიმალიის მთები მკვდარია ტვინ-
მა კი ხსენებულ სწავლულთა ბევრი შესაწი-
ნევი რამ აღმოაჩინა. მაგრამ ამ მსჯელობის
საძირკველში სძევს ტლანქი სიცრუე. ძალთა
ურთიერთ დამოკიდებულებას ღიდი მნიშვნე-
ლობა ფიზიკურ ქვეყანაში აქვს, სადაც რაო-
დენობა ერთი მხრით მიმართულ ძალთა უდ-
რის მათ ჯამსა, რაოდენობა კუთხებ ქვეშ მოქ-
მედ ძალთა ნაკლებია მათი ჯამისა და რაოდე-
ნობა ერთმანერთის წინააღმდეგ მიმართულ
ძალთა უდრის მათ განსხვავებას. მაგრამ სუ-
ლიერ ქვეყანაში, სადაც ძალნი თანასწორნი
არიან და შეიძლება ვსთქვათ, მოქმედებენ ერ-
თი და იგივე მხრით, არავითარი მნიშვნელო-
ბა არ აქვს სივრცეში მათ განწესრიგებას. მო-
საზრება ამ განწესრიგების მნიშვნელობაზე აქ
ისე მოუხერხებელია, როგორც მოსაზრება გან-
წესრიგების მნიშვნელობაზე კრილოვის ცნო-
ბილ „კვარტეტში“. ფართო ურთიერთ შორის და-
მოკიდებულება არის მოვლენა წმინდა ფორმა-
ლური ხასიათისა და მისგან პიროვნების გამო-
ყვანა უფრო ნაკლებ მისაღებია, ვინემ მატე-
რიის მოძრაობიდან პიროვნების გამოყვანა.

ფ—პე სი—ძე.

შემდეგი იქნება.

ეოვლადსამდგდელო ლეონიდის მოვსა-
ურობა სამეკრელოს ეკლესიების და-
სათვალთუვებლად.

გაგრძელება*)

კურძუს ეკლესია ყოფილა დადიანების კა-
რის ეკლესია და შემდეგ, როდესაც დადიანებს
თავიანთ მამულ-დედული გაუყიდიან, ეს ეკლე-
სია უფასოთ დაუთმიათ მრევლისთვის. ეკლე-
სიას არა უშავს რა, თუ საშიში არ არის ის
გარემოება, რომ კედლები ალაგ-ალაგ გამსკ-
დარია.

ეწერის ეკლესიის თვალსაჩინო ნაკლულევა-
ნებას შეადგენს უვარგისი ხატები და სინოტიე
იატაკისა.

*) იხ. შინ. საქ. № 20.

ავვისტოს ხუთს მისმა მეუფებამ დაათვალიერა წაჩხურის, სალხინოსი და თამაკონის სამრევლო ეკლესიები. წაჩხურის**) ეკლესია ნაშთია უხსოვარი დროისა. იგი დღეს სრულებით გამოუსადეგარია მრევლისთვის, რადგანაც მრევლი მთიდან დაბლა ჩამოსახლებულა და დაშორებია ეკლესიას ისეთი მანძილით, რომ მისი გავლა კაცს მარტო ღვთის აღთქმისა და მოღვაწეობის სურვილით შეუძლიან.

დაუჯერებელია, რომ წაჩხურის მღვდელი, გარდა მეტად იშვიათი შემთხვევისა, სწირავდეს როდისმე თავის ეკლესიაში; და საღამოს ლოცვა და ცისკარი ხომ აქ კი არა, ბევრგან სხვანაც სრულებით აღარ სრულდება.

წაჩხურის ეკლესიის შტატი ყოვლისავე მიზეზის გარეშე ან უნდა სულ გაუქმდეს და მრევლი მიეწეროს მეზობელ ეკლესიებს, ან დაბლობში მრევლის მისაწოდომ ალაგს აშენდეს ახალი ეკლესია. ამაზე ფიქრი და ზრუნვა ადგილობრივი მღვდლის ზნეობრივ მოვალეობას უნდა შეადგენდეს, მაგრამ, როგორც სჩანს, ეს გარემოება მას დიდათ არ აწუხებს.

ს. სალხინოს ხის ეკლესია მოწყობილობით ყოველად ღარიბია, თუმცა მრევლი დიდი და შეძლებულია. მისმა მეუფებამ მწარედ ამხილა მრევლს ეკლესიაზე გულგრილობა და დაბეჯითებით მოსთხოვა ადგილობრივ ბლაღოჩინს, რომ სულ მოკლე დროში შეეძინა მრევლს შესაფერი ბარძიმ-ფეშხუმი, რადგანაც შეუძლებელიდაა თითბრის ძველი, ჩაყანგებული ბარძიმის ხმარება.

მარიამობისთვის ხუთს საღამოს ლოცვა და ცისკარი ყოველდღისადაც მოისმინა პირველი თამაკონის მრევლის ეკლესიაში, ხოლო წირვა ფერიცვალების დღეს მეორე თამაკონის საყდარში. ეს ორივე შტატის ეკლესიები მათი ზედმიწერილი საჯვარეობით მთლად მოუწყობელი და ყოვლისფრით ღარიბები არიან. თითონ თამაკონის საზოგადოებას ბუნება მთიანი, უგზო, მწირი და უნაყოფოა. ხალხი მოკლებულია ყოველგვარ კულტურულ დაწესებულებას და მწარე სიღარიბეს განიცდის. რას

**) ცივი, გრილი წყალი.

მოსთხოვ ხალხს, რომელიც მუდამ წამს არსებობის ლუკმის შოვნისთვის იწურება ოფლში!

საცა სამართალია ამ ეკლესიების მღვდლებს ორმაგი ჯამაგირები უნდა ჰქონდეთ და, დღეს კი, საბრალისები, უბრალო ჯამაგირებსაც მოკლებულნი არიან.

ს. ნამკოლოუს ქვითყირის ეკლესია მეტად ვიწრო, ბნელი, უსუფთაო და ღარიბულად მოწყობილია. ვიწროა აგრეთვე ეკლესიის ეზო და ამის გამო ბევრი უსიამოვნება იბადება ხოლმე მიცვალებულის დასაფლავების დროს.

ეკლესიას მისაეალი გზა არსაიდან არა აქვს და მლოცველებმა წირვაზე მოსასვლელად უნდა ხნულეებზე იარონ. მღვდელი არ ცხოვრობს მრევლში და ყველაფერი ნათლად ამტკიცებს მის გულციობას და დაუდევრობას. დანგრეული, ფანჯრები ჩალეწილი და გაპარტახებული შენობა სამრევლო შკოლისა გულასანდერევე სანახავობას წარმოადგენდა და მისი მეუფება დიდათ გაუწყრა მღვდელსაც და მრევლსაც.

ამავე მრევლში არსებობს ორკლასიანი სამინისტრო სასწავლებელი, რომელიც თავისი მოხდენილი შენობით და უფრო კი ხეხილის ძვირფასი ბაღით მშვენიერ შთაბეჭდილებას ახდენს მნახველზე. ამგვარი სასწავლებლები რომ გამრავლდებოდნენ სამეგრელოში, მცხოვრებლების დღევანდელი ღარიბული მდგომარეობა ჩქარა სასურველად შეიცვლებოდა.

ს. ყინოთის ეკლესია (ნაქალაქევის საბლაღოჩინო ოლქისა) ხისაა, იგი დაბალი და უხერხულია. მრევლს, როგორც ადგილობრივმა ბლაღოჩინმა გადმოგვცა, უკვე განაჩენი შეუდგენია, რომ ეკლესია შეაკეთონ და, რაც კი რამ აკლია, ყველაფერი მოიპოვონ. ხსენებულ ეკლესიას ზედმიწერილი საჯვარეცა აქვს. საჯვარეს 135 კომლი ახლავს და საკუთარი შტატის დაარსება აუცილებელ საჭიროებას შეადგენს. სამწუხაროა, რომ ყინოთის მღვდელს მის მრევლის თვალში ვერა აქვს დამსახურებული სათანადო პატივისცემა და გავლენა.

7 ავისტოს დათვალიერებულიქნა კიწიის სამი ეკლესია: მთავარანგელოზისა, ფერის-

ცვალებისა და წმ. გიორგისა, მთავარანგელოზის ქეთიკრის, მოხდენილი გეგმის და ხის გუმბათიანი ეკლესია სულ ახალ დროშია აშენებული და მისი წინამძღვრის, დეკ. კოდრატე ჩაჩიბაიას მეცადინობით ჩინებულათაა ყველაფრით მორთულ-მოკაზმული. მეორე კიწიის ეკლესია ხისაა და ღარიბადაა მოწყობილი: ხსენებული ეკლესიის მთავარ ნაკლულევანებას შეადგენს ხატების უვარგისობა. „ეს მეორე შემთხვევააო, უბრძანა ყოვლადსამღვდელომ მრევლს, რომ გემუსაიფებით ამ თქვენ სალოცავში, როგორც პირველად, ისე ეხლაც იმას გთხოვთ და გვევდრებით, რომ უსათუოდ იზრუნოთ თქვენი ეკლესიის გამშვენებაზე. თქვენს ეკლესიას ასახიჩრებს და ღაზათს უკარგავს ეს უგემური მხატრობა; საშიშია, რომ თქვენ მთლად არ შეგძულდეთ წმიდანების სახის დანახვა. ხატები უსათუოდ უნდა გადაასწორებინოთ მკოდნე პირს. მართალია, ეს ხარჯს გამოიწვევს თქვენი მხრით, მაგრამ ასეთ საღმრთო და სასარგებლო საქმეში ხარჯის გაწევა სასინანულო არ არისო...“

მესამე კიწიის ეკლესია ამ წელიწად ნახევრის წინ დაწვა კიწიაშივე მტხოვრებელმა ერთმა გაურწმუნოებულმა გლეხმა. ხალხი მაშინვე გაიყო დასებად. მრევლის სულ მკირედი ნაწილი თხოულობდა ეკლესიის აშენებას ისევე იქ, სადაც ძველი ეკლესია იდგა, დიდმა უმრავლესობამ კი სულ ახალი ალაგი აირჩია.

ეპისკოპოსმა დაამტკიცა უმრავლესობის დადგენილობა. წასულ ზაფხულს დამწვარი ეკლესიის გადანარჩენი 20—25 ფიცარი გადაიტანეს ახალ არჩეულ ადგილზე. ეს არ მოსწონებიათ ძველი ეკლესიის მოსარჩლეებს, უპოვნიათ ვიღაცა „მოსე მწერალი“ და უფრენიათ ტელეგრაფი კანტორაში: ეპისკოპოსისა და ბლალჩინის ბრძანებით კიწიაში არღვევენ ძველ ტაძარს, გთხოვთ უბრძანოთ ვისაც ჯერარს, რომ შეაჩერონ ტაძრის დანგრევა და გამოიძიონ საქმის ვითარებაო.

კანტორასაც სიმართლეთ მიუჩინებია ტელეგრაფში მოყვანილი ამბავი და დეპეშითვე უბრძანებია ეპისკოპოსისთვის: დაუკონებლივ

ინებეთ შეჩერება კიწიის ტაძრის დარღვევისა და საჩქაროთ გეგმობით საქმის ვითარებაო. ყოვლადსამღვდელომ დაწვრილებითი მოხსენებიდან კანტორა დარწმუნებულა მოყვანილ დეპეშის შინაარსის სიყალბეში და წინანდელი დადგენილობა მრევლისა ეკლესიის ახალ ალაგზე აშენების შესახებ დაუტოვებია ძალაში.

N.

შემდეგი იქნება.



სინამდვილე და ოცნება.

რეფერატი ლ. ნათაძისა.

არიან ადამიანები, რომლებსაც ერთბაშათ უნდათ დაიმსახურონ მეცნიერ-ფილოსოფოსის სახელი. მაგრამ, თითქო განგება დასცინისთო, სტუდენტებიან მოლოდინში და სრულებით წინააღმდეგ სახელს იმსახურებენ. ასეთი ადამიანების განმასხვავებელი ნიშნადობლივი თვისება ის არის, რომ იგინი თავის მეცნიერულ პირველ გამოსვლისათანავე ხელს კიდებენ პირველ ხარისხოვან საყოველთაო, სამარადისო საკაცობრიო საკითხებს, ხელს კიდებენ იმ მიზნით, რომ დაამსხვრიონ, დაღეწონ და გაანადგურონ არსებული პასუხები მათზე და მით აჩვენონ თავის გონების სიძლიერე, თავის ქკუის სიმახვილე და თავზე დააჯდენ არა თუ კერძო პირებს, რომლებსაც ღრმით შეუუსწავლიათ საგანი, არამედ მთელ კაცობრიობას, რომელსაც არ ახსოვს თავი, რომ სხვა აზრის ყოფილიყოს წამოყენებულ საკითხებზე.

ასეთი ბედი ეწია 27 მაისის რეფერენტს ბ. ლეონ ნათაძეს. მან დაიმსახურა სახელი მაგრამ არა ისეთი, როგორსაც ელოდა, არამედ სრული უეციისა თუ არა, მიძიებელ, მბორგავ ადამიანისა მაინც, რომელსაც პირველი აზრის გაელევა უკვე დამტკიცებული ქეშმარიტება ჰგონია და ისწრაფის არავინ მოასწროს მისი გამომელაგება, რომ პირველობა მას დარჩეს და არა სხვას.

სამწუხაროთ ხელთ არა გვაქვს ბ. ლ. ნათაძის რეფერატი და ნება-უნებლიეთ იმით უნ-

და ვისარგებლოთ, რაც გავიგეთ და გამოვიტანეთ ავტორის წაკითხულიდან.

პირველი, საზოგადო და უმთავრესი ნაკლი ბ. ნათაძის რეფერატისა გახლდათ მისი (რეფერატის) ტენდენციოზური, ხასიათი წინდაწინვე დასახულ მიზნის გამართლება. ამიტომ მას ფაქტებიდან კი არ გამოუდიოდა აუცილებელი დასკვნა, თვით ფაქტებს აგროვებდა ისე, რომ გაემართლებია თავის ტენდენცია. მერე რა ფაქტებს!? ლიტერატურულ ტიპებს, რომელნიც, რაც უნდა იყოს, რომანისტიკის სუბიექტურ სულის კვეთებას უფრო გამოხატავენ, ვიდრე სინამდვილეს. ამას არც თვით რეფერანტი მალავდა; იგი ხშირად იმეორებდა „ეს (ფაქტი ანუ ტიპი) საესებით ამართლებს, ჩემს აზრს, ჩემს შეხედულებას ამ საგანზეო“ და სხვა ამისთანაები. რა იყო რეფერატის აზრი, რა უნდოდა, რომ დამტკიცებია მას თავის რეფერატით? ის, რის დამტკიცებაზედაც კბილებს ინტერვევს მისი წირის ადამიანები, ის, რომ რელიგია ოცნების შეილია, სარწმუნოება ადამიანის შეთხზულია და მაშასადამე ყოველივე ზესთაბუნებრივი ქორია და ოცნება.

ადამიანის სისუსტემ და დაუკმაყოფილებლობამ წარმოშობა რელიგიას. რაც ადამიანს აქ არ აკმაყოფილებდა, რა სიამოვნებასაც აქ მოკლებული იყო, ოცნების ძალით ის იქ, საიქიოს, გადაიტანა და ამ ნაირათ შეიქმნა რელიგიაო,— აი დედა აზრი ბ. რეფერენტისა. ტყუილია ეს დედა აზრი, უაზროა იგი და ვერაფერი ფილოსოფიური რეფერატი ვერ გამართლებს არსებითად მტყუან და უნიადგო აზრს. ჯერ ერთი რომ სიტყვა წარმოშობა ან შექმნა სრულებით არ შეეგუება რელიგიას. როდის წარმოიშვა ან გაჩნდა რელიგია? განა შეიძლება ასეთი საკითხი დაისვას? თუ ეს საკითხი კანონიერია და მაზედ პასუხი შესაძლებელია, მაშ შეიძლება ესეც ვიკითხოთ, როდის დაიბადა გრძობა შიმშილისა, წყურულისა, სიცივისა, სიციხისა, შიშისა, სიხარულისა, სიყვარულისა და სხვა და სხვა? განა ეს გრძობები დამოკიდებულია ადამიანის ნებაზე? განა შეიძლება ადამიანმა ისურვოს, ინებოს და და-

იბადოს ეს გრძობები? თუ იგინი, როგორც გრძობები, თანშობილი არიან ადამიანისა და არა მისი შექმნილი. დაგვეთანხმება ბატონი რეფერენტი, რომ რელიგია იგივე გრძობის მხარეა, დაგვეთანხმება, რომ არის რელიგიური გრძობა, და როგორც გრძობა, იგი თანშობილია და არა შემდეგ შენაძენი ან შეტანილი გარედან. უკმაყოფილებას, შიშს, უსიამოვნებას კი არ დაუბადებია რელიგიური გრძობა, წინააღმდეგ რელიგიურმა გრძობამ, გრძობამ საუკეთესო ცხოვრებისა, დაბადა უკმაყოფილება თანამედროვე ქვეყნიერ ცხოვრებისადმი. და არც მოიშლება ასეთი უკმაყოფილება, სანამ რელიგიური გრძობა არ აღმოიფხვრება ადამიანის გულში, და რადგან ამ გრძობის, როგორც გრძობის და არა გარედან მიწვებული შემთხვევითი თვისების, აღმოფხვრა არ შეიძლება, არ შეიძლება მაშასადამე ისეთი წესწყობილების შექმნაც, რომელმაც საბოლოოთ უნდა დააკმაყოფილოს ადამიანი. ცხოველები მოკლებული არიან რელიგიურ გრძობას და ამიტომ იგინი ხომ კმაყოფილიც არიან თავის მდგომარეობის და არ ფიქრობენ ცხოვრების გაუნჯობესობაზე. შეიძლება ვილაპარაკოთ კულტის, ე. ი. ამა თუ იმ რელიგიის ღვთისმსახურების ფორმების წარმოშობაზე. მაგ. შეიძლება ვიკითხოთ და უბასუხოთ: როდის წარმოიშვა ზენდავესტის, ბუდდას, მახმადის რელიგიური კულტი, გარეგანი ფორმა ღვთის მსახურებისა. მაგრამ ეს ხომ რელიგია არ არის, ეს ხომ სარწმუნოების არსებას არ შეადგენს, ეს ხომ შემთხვევითი თვისებაა ანუ, უკეთ რომ ვთქვათ, გამომეტყველებაა შინაგანი რელიგიური გრძობისა.

ტყუილია ისიც, რომ ოცნება შემოქმედებითი ძალაა. ოცნება არაფერს არ ქმნის, არაფერს არ ბადებს, იგი მხოლოდ აერთებს და აკლებს, იგი მხოლოდ ამუშავებს მას, რასაც ხუთი ცნობილი გრძობა— მხედველობა, სმენა, შეხება, გემოვნება და ყნოსვა— იძლევა. ამის მეტს ოცნება, ფანტაზია ვერაფერს ვერ ქმნის, ვერაფერს ვერ შობს. აი რას შერება ფანტაზია ანუ ოცნება უმეტესაქლოთ. მას არ შეუძლია და ვერ შექმნის ისეთ მაღალ ზესთაბუნე-

ბრივ საგნებს, როგორც არის მაგ. ქრისტიანობის ღმერთი, სული, უკვდავება, ცოდვისაგან გამოხსნა, უთესლოთ განხორციელება, მკვდართა აღდგომა და სხ. თუ ეს ფანტაზიის საქმე იყოს, მაშინ მაღალ განვითარებულ ბერძნებსაც და რომაელებსაც ხომ ეცოდინებოდათ თავის დროზე ესენი? მაგრამ აბა კარგათ ჩაიხედეთ ამ ხალხების რელიგიის ისტორიაში, მართლა და ამ ადამიანის ოცნების ნაწარმოებში! აქ აშკარათ დაინახავთ თქვენ, თუ რამდენათ უძლიერია ფანტაზია ბუნებრივ საგნების სფეროშიაქ კი ვასცილდეს უბრალო მდაბალ ხარისხიდან წარმოდგენებს*)

ტყუილია აგრეთვე ისიც ვითომ რელიგია თავის კმაყოფილებისთვის მოეგონებოდა ადამიანს. ბევრ რელიგიაში და ქრისტიანულშიაც არიან ისეთი რწმენანი, რომელნიც სრულებით არ აკმაყოფილებენ ადამიანის კმაყოფილების, ბედნიერების მოთხოვნილებას. მაგალ. ავიღოთ სულის გადასახლება. განა ძალიან სასიამოვნო წარმოსადგენია ადამიანისთვის ეს დაუღვეველი მოგზაურობა სულისა სხვა და სხვა ცხოველებში და მცენარეებში. მგონი არავისთვის სასურველი არ იყოს რომელიმე ძაღლის, კატის, გველის, თუ გინდ ლომის სხეულში ჩასახლება. მგონი არავის ესია მოეწონოს პირმეტყველ გონიერ არსებიდან, პირუტყულ, უგუნურ და უგრძობელ არსებად ქცევა. ქრისტიანების ჯოჯოხეთი? ეისთვის რა სასიამოვნოა „ცეცხლი დაუშრეტელი და მატლი დაუძინებელი“, „ბნელი გარესკნელი, ტირილი და ღრქენა კბილთა;“ რა სიამოვნებაა მაგალითად ცეცხლის თავიანთსმეტელთა თვით გვემაში. სჩანს, ადამიანის სიამოვნებასაც არ შეუქმნია რელიგია, სჩანს, რელიგიაში უსიამოვნოც ბევრია ადამიანისათვის.

ამ ნაირათ ტყუილია დედა აზრი ბ. ნათაძისა და ტყუილი დაიღალა და საზოგადოებაც, თუმცა ძალიან მკირე, დაღალა ლიტერატურული მაგალითებით, რომლებიც ბევრს არაფერს ამტკიცებენ.

*) დაწერილებით ამ საგანზე იხ. ჩენი წიგნაკი „ქრისტიანობა ბებელის ლაბორატორიაში“.

ქურნალ-გაზეთებიდან.

რუსეთის ეკლესია.

ამ მოკლე ხანში რუსეთის ეკლესიამ ბევრი დეფექტები წამოაყენა. ეს დეფექტები ამტკიცებენ, განსაკუთრებით შავით მოსილ, სამღვდლოებაში სარწმუნოებისა და ზნეობის დაცემას. გასაკვირვებელია, რომ უმაღლესი სასულიერო მართებლობაც თითქო ნაკლებ ყურადღებას აქცევს ამ გარემოებას და დამნაშავეებს ადგილზე სტოვებს სრულებით დაუსჯელს, ხანაც კიდევ აჯილდოებს, როგორც მაგ. ჩენში დააჯილდოვა ცნობილი ნახარებოუს მონასტრის ბერ-მონაზონი.

ამას წინათ ილიოდორმა შექმნა ერთი აურზაური და მთელი ორი სამი წელიწადი ფეხქვეშ თელა მართლმადიდებელი ეკლესიის პრინციპები, შემდეგ გამოჩნდა რასპუტინი, — ეს სასირცხო ხორცმეტი რუსეთის ბერობისა, ეხლა კიდევ არხიმანდრიტი მაკარი გნევეუშევი და მისი საქმენი საგმირონი მოსკოვის ნოვოსპასკის მონასტერში და ილუმენია ანტონინა და საქურისი დაი ვასიუტა. ეს სულ ისეთი ფაქტებია, რომლის არსებობა კაის არაფერს მოასწავებს. ჩვენ გვგონია ერთი უმთავრესი მიზეზთაგანი ასეთი მოვლენისა დიდი ჯამაგირებია, რომლის მეოხებით სულიერი მამები ნებებობდნ და უფრო ხორციელ ცხოვრებას ეწევიან. არხიმანდრიტ მაკარ გნევეუშევის მაგალითად წელიწადში 15 ათასი მანეთი ჰქონია, რომელიც უწ. სინოდს მისდა დასასჯელათ ორი ათასი მანეთით შეუძკირებია, ასე რომ ეხლა განევეუშევის მხოლოდ ცამეტი ათასი მანეთი დარჩენია წლიურ ჯამაგირათ (?!).

ასეთსავე მდგომარეობაში ყოფილა დედა ილუმენია პოკროვკის დედათა მონასტრისა ანტონინა, რომელმაც საქურისის სახელით ვალაც მაწანწალა გარმონიკების მოხელეს ადგილი მისცა თავის მონასტერში, მონაზვნის ტანისამოსი ჩააცვა და თელი ოთხი წელიწადი შეინახა.

როგორც ერთზე, ისე მეორეზედაც საჩივარი ყოფილა აღძრული, მაგრამ შათ სასარგებ-

ლოთ დამთავრებულა. საზოგადოება მაინც არ ეშვება საქმეს და უმაღლეს სახელზე საჩივრის გაგზავნას იმუქრებიან. ვნახოთ რით გათავდება საქმე.

„С-Петербург. В.“-ში ნიკოლოზ დურნოვო ჰკიცხავს ობერპროკურორს საბლერს, რომელიც ზოგიერთ ღირსეულ ეპისკოპოსებს უყურადღებოთ სტოვებს, მიუხედავად იმისა, რომ ზოგ მათგანს 9-10 წელიწადია არაფერი ჩინი არ მიუღიათ. სხვათა შორის ყ-დ სამღვდლო ლეონიდას იხსენებს ბატ. დურნოვო და ამბობს, რომ ეს შესანიშნავი მქადაგებელი მღვდელმთავარი ცხრა წელიწადია არაფრით არ დაჯილდოებულია, რადგანაც დამონებულ საქართველოს ეკლესიის უფლებებს იცავსო. უნჯობესი იქნებოდაო, განაგრძნობს ავტორი, რომ ბ. საბლერს ერთი ეპისკოპოსიც არ წაედგინა ჯილდოზე, რადგან ღვთის საქმის მაკეთებელ ეპისკოპოსების დაფასება მხოლოდ ერთ ღვთაებრივ მწყემსთავარს, ქრისტეს, შეუძლია და კიდევ პირუთენელ უფლებამოსილ ეპისკოპოსთა კრებასო. ხოლო რა სამსახურს უწევენ ეკლესიას ჩვენი პოლიტიკური მოღვაწე ეპისკოპოსები საქართველოსა და ბესარაბიაში ჩვენ არ ვიცითო. ვიცითო მხოლოდ, რომ ისინი ღვთის საქმეს არ აკეთებენ და ამიტომ ელიან ქვეყნიურ ჯილდოებს, რადგან ზეციურის იმედი არ აქვთო.

უდიდესი ბოროტებაა, ავტორის აზრით, ეკლესიისათვის, როცა მღვდლებს და ეპისკოპოსებს აჯილდოებენ, რაც ბადებს ამპარტავნებს და პატივის მოყვარებასო. ჩვენი სამღვდლოება ისე დაშორდა ბერძენადმოსავლეთის ეკლესიას და შეიყვარა ქვეყნიური ჯილდოებით, რომ ღვთის ეკლესია სრულებით დაავიწყდაო. საჭიროა მომავალ საეკლესიო კრებაზე საერო წარმომადგენლებმა ხმა აიმაღლონ ეკლესიის მღვდელმსახურთა დაჯილდოების წინააღმდეგო.

„Рус. Вѣст.“ შესაძლებლათ მიაჩნია სამღვდლოების ჩარევა სახელმწიფოს პოლიტიკურ ცხოვრებაში, მაგრამ სრულიად უარყოფს განსაკუთრებულ მღვდელთა პარტიის არსებობას.

ეკლესიურ ავტორიტეტს თავის სასარგებლოთ იყენებენ სხვადასხვა პოლიტიკური ორგანიზაციებიო. ეკლესიის ინტერესები, რაც უნდა ვიწროთ გვესმოდეს იგინი, უნდა გვაიძულებდენ, რომ ბოლო მოეღოს ამ ურცხვ ეკსპლოატაციას და ეკლესია დასდგეს ყოველგვარი პარტიის გარეშე.

ხოლო ეს იმას არ ნიშნავს, რომ სასულიერო წოდების რუსის მოქალაქენი თლად უნდა გაშორებულ იქმნენ პოლიტიკურ ცხოვრებას. ასეთ მოთხოვნას სრული საბუთი ექნებოდა შავით მოსილთა მიმართ, რომელთაც უარყვეს ქვეყნიერება. გარნა თეთრით მოსილი სამღვდლოება, რომელიც ერთა შორის ცხოვრობს, ერთ და იმავე პირობებში, რომელიც დაკავშირებულია მათთან ბევრ სხვადასხვა ინტერესებით, ბევრ შემთხვევაში არ შეიძლება უბიროთ დარჩეს საზოგადო ცხოვრებისაგან, და, მაშასადამე პოლიტიკური ცხოვრებიდანაც. გარნა მათი მონაწილეობა ამ ცხოვრებაში უშიშარი უნდა იყოს ეკლესიისათვის მხოლოდ იმ შემთხვევაში, როცა სასულიეროების პოლიტიკური მოქმედება იქნება თავისუფალი, ინდივიდუალური და განყოფილი მისი სულიერი ფუნქციებისაგან, როცა ეკლესია, როგორც ასეთი, როგორც ერთი მთელი, პოლიტიკურ ბრძოლაში ნეიტრალიტეტს შეინახავს, დაე მღვდლებმა მიიღონ მონაწილეობა არჩევნებში და ისხდენ პარლამენტში, მაგრამ არ შეიძლება და არ უნდა იქნეს მღვდელთა პარტია, რადგან პოლიტიკურ ცხოვრებაში მათი ჩარევა მართლდება მხოლოდ მით, რომ იგინი არა თუ მხოლოდ ეკლესიის წევრნი არიან, არამედ საერო საზოგადოების წევრნიც.

სხვა საზოგადოების ცხოვრებაში მწყემსთ, როგორც ასეთებს, არ შეუძლიათ გამოეყონ სამწყსოს, არ შეუძლიათ მათ ინტერესს დაუპირდაპირონ თავის ინტერესები, არ შეუძლიათ ესა თუ ის ნაწილი თავის სამწყსოსა გამოაცხადონ თავის პოლიტიკურ მტრებათ. ეკლესია თავის იდეით არის საზოგადო საკაცობრიო კავშირი. მას არ უნდა ყავდეს საყვარელი ხალხები, მართველობის საყვარელი ფორ-

მები. მისთვის არ არის „ბერძენი და ებრაელი“. მასში ადგილი უნდა ჰპოვონ ყველა შორწმუნეებმა, „ყველა მაშვრალმა და ტვირთ მძიმემ“, რომელ პარტიას, ხალხს და საზოგადოების წრესაც არ ეკუთვნოდენ იგინი.



შინაური შიმოხილვა.

(დასასრული. *)

ამ ჩემს აზრს ამტკიცებს ისეთი ფრთხილი პროფესორი, როგორც ნიკო მარია. „რუსეთსთვის ნებით შეუერთდა არა კავკასიის აქეთა მხარე და ქართველთა არა რომელიმე თემი, არამედ საქართველოს სამეფო. საქართველოს სამეფოს საზღვრები კი იყო საკმაოდ ვრცელი და იმათი გამორკვევა, რომელიც წარმოადგენს ერთს უდიდეს თეორეტიულ სამეცნიერო ინტერესს, — ძალიან ძნელი საქმეა (კურსივი ჩემია). მაგრამ რეალურისტორიული თვალსაზრისით რომ განვიხილოთ საგანი, ტერიტორიალური თვით-გამორკვევა ქართველი ერისა ცხადია: საზღვრები ქართველთა რეალური მიწა-წყლისა და მასზე მოსახლე ქართლისიანთა ერის შვილებისა სრულიად ნათელია, იმათი ცოდნა ყველასთვის ადვილია.“**)

აი, სწორეთ ის მიწა-წყალი, რომელიც დასახლებულია დღეს ქართველობით, ხელუხლებელად უნდა შეინარჩუნოს მან სამერმისოდაც, თუ არ უნდა, რომ ეკონომიურად სრული განადგურება ხვდეს მას წილად...

ქართველების რიცხვი, შედარებით, ძალიან გაიზარდა მას შემდეგ, რაც მყუდროება და მშვიდობიანობა ჩამოეარდა ჩვენში. ამიტომაც, დღესთვის ძვირფასი სამშობლოს მიწა-წყალი აღარ ყოფნის მიწის მუშა ქართველობას და სხვა, უცხო ქვეყნებში მიიღტვის დასახლებულად.

აგერ, ოცდაათი წელიწადია, რაც რაქის

*) იხ. „შინ. საქ.“ № 20.

***) „Къ Грузинскому вопросу“, Проф. Н. Марр.

ლონიერი და ნიკიერი ხალხი, სადაც სავენი მიწაც კი მამასისხლად იყიდება, დაიძრა და მთელი მოსახლობით მიაშურა კავკასიის ჩრდილოეთს, და იქ თერგის ოლქში საარსებო ლუკმის მიმცემ მიწას დაეძებს.

გურია მიწის სივიწროეს, სად გაეკცეს, არ იცის. იმის შევნიერი შევილების ახალგაზღობა მოედვა შავი ზღვის ბოლახ ადგილებს სამუშაოდ, რომ ორ გროშს თავი მოუყაროს და სამოსახლო მიწა-წყალი სადმე აიჩინოს, მერე ოჯახობას მოეკიდოს და საარსებოდ ლუკმა პური სქამოს.

ზემო იმერელი, ყვირილის, ძირულის და ჩხერიმელის ხეობათა მიწის მუშა ხალხი დიდი ხანია მოედვა ზემო ქართლს, ბორჯომის ხეობას და ახლა კახეთში, გაღმა მხრის მხარეს, კობალზე ეძებს მდიდარ მიწა-წყალს, სადაც რამდენიმე სოფელი უკვე გაშენდა ამთვან. ესევე ამბავი ხდება ქიზიყშიაც, თუშეთშიაც, ხევსურეთშიაც, ფშაველეთშიაც, რომელთაც ამასწინათ თფილისის გუბერნატორის წინაშე აღძრეს საკითხი, რომ შირაქის ველი რუსეთიდან გადმოსახლებულებისგან არ გაშენდესო, რადგან უძველესი დროიდან ამ მინდვრის მეტი საძოვარი იმათ საქონელს, ძროხასა და ცხვარს არ გააჩნია.

სევანეთს და ლეჩხუმს მიწის სივიწროვე, მასთან უგზო-უკვლობა აღრჩობს და მთელი წლის განმავლობაში იქაური მკვიდრი თითქმის დამშეულია.

რაც შეეხება ოდიშის მხარეს, აი, რა შემოიჩნევია მე ამ ორმოცი წლის განმავლობაში: გათავისუფლდა თუ არა სამეგრელოს მთა-გორებზე მცხოვრები ყმობისგან, მაშინვე მან მუაშურა იმერეთს, უფრო ქუთაისის მხარას, სადაც სოფელიც კი არ დარჩენილა, რომ იქიდან გადმოსახლებული ოცი და ოცდახუთი მოსახლე მაინც არ იყოს დამკვიდრებული...

მეორე მხრით, მეგრელი კაი ხანია სამოსახლოთ მიიწევს აფხაზეთისკენ, ძველი საქართველოს მდიდარი მიწა-წყლის კვლავ სიციხლისკენ გამობრუნებას ცდილობს, სადაც ფუტკარივით მოედვა რუსობა, სომხობა და ბერძენ-

ბიკ, და მეგრელების იქ, ჩვენს აფხაზეთში დასახლება, წარმოიდგინეთ, აკრძალულია.

1894 წ., როცა საქართველოში სახელმწიფო ქონების და მიწად-მოქმედების მინისტრი ერთგული ჩამოვიდა, მაშინ ოდიშის მცხოვრებლებმა არაზა მიატოვეს მას და სთხოვეს, ნება გვიბოძეთ აფხაზეთის დაცლიერებულ ადგილებზე დაესახლდეთო. მინისტრმა უარი უთხრა მათ: „მე თქვენთვის აქ ადგილი არა მაქვს. ეს ადგილები რუსებისთვის არის დანიშნულიო“.

ახლა ესეც ვიკითხოთ, რა საბუთებით ამართლებენ ამ პოლიტიკას? ვითომ იმითი ასაბუთებენ, რომ აფხაზეთის მიწა-წყალი რუსების სისხლით არის მოწმულიო. ავიწყდებათ, რომ რუსებთან ერთად ქართველების სისხლიც უზომოდ იღვრებოდა და რუსობას ამავე დროს არც ქართველობა ჩამორჩენია ხომ. მაგრამ ამ გარემოებას, თუ იმათ ნებავთ, ნულა ჩავუდებთ ქართველებს პატივში. ისტორიას რატომ-ღა ივიწყებენ. განა მთელი ათასხუთასი წლის განმავლობაში ქართლოსიანთა ერის შვილების სისხლით არ ირწყოდა მთლათ აფხაზეთი? და რატომ მერე? იმიტომ, ბატონებო, რომ აფხაზეთის მიწა-წყალი იმ თავითვე უძვირფასესი სამშობლოა ქართველისა.

მაგრამ, ვიკით კარგად, რომ ისტორიული უფლება მოუხეშავ ძალას არა სწამს და მაშ, სხვაფრივაც შეეხედოთ საგანს.

ძალიან კარგათ მოგეხსენებათ, რომ რუსი, რამდენიც გადმოსახლეს აფხაზეთში, იმდენი გაწყდა ცოლ-შვილიანა და საქონლიანა, რადგან რუსის ბუნებამ ვერ აიტანა აფხაზეთის ჰავა და ნიადაგზე ცხოვრება. ეს დამტკიცდა უტყუარი საბუთებით. ამავე დროს, იმავე უტყუარმა გამოცდილებამ დამტკიცა, რომ ჩვენი კაცი, ნამეტურ შეგარელი და ხონელი აფხაზეთში ზედგამოჭრილი მოახალშენა.

გარდა ამ ხალხთა შეუკავებელ მოწოდებისა ჩრდილოეთის მხრივ, ქართველობას დიდი განსაცდელი მოეწიეს დასავლეთის და სამხრეთის მხარეებიდანაც, საიდანაც სომხები, ბერძნები და ანორები (ძველი სირიელები) დიდი

ხანია აწვებინ ჩვენი ქვეყნის ტერიტორიას და თან-და-თან იჭერენ მის მდიდარ ნიადაგს, რომ საარსებო პური მოიპოვონ ცხოვრებაში.

ამავე დროს ნორმალური ეკონომიური ვითარების წყალობით სოფლის ბევრი ქართველი მემამულე იძულებულია უცხოელზე გაყიდოს თავისი მამა-პაპისგან შერჩენილი მემკვიდრეობა, რადგან ქართველი ტყეა იმ იმედით, რომ დიდი ხელმწიფე იმპერატორი სულ მუქთად უწყალობებს თავადების მიწა-წყალს, ამ უბედურს, რომ ქონდეს ფული მიწის საყიდლად, მაინც არ ნაღვლობს იმას, რომ სხვების, გადამთიელთა ხელში თან-და-თან გადადის იმის მრავალ ტანჯული მამულის მიწა-წყალი...

ამას წინათ ეს უკანასკნელი გარემოება შეიქნა მიზეზი ჩვენი ჟურნალ-გაზეთების და ინტელიგენციის დიდი გამოფხიზლებისა და ატყდა ერთი უშველებელი ჩვენებური „ლაპარაკი“. ზოგი, რა მიზნებს ისახავდა, თითონაც არ იცოდა, ზოგი კიდევ საზოგადოებათა და დიდი საერო ბანკის დაარსებას ურჩევდა ქართველობას, რომ უმამულო ხალხი თავისუფალ მიწა-წყალზე დაესახლებინათ. დაარსდა კიდევ, მგონია, თფილისის თავდა-აზნაურობის დეპუტატთა საკრებულოში კამისია, მაგრამ ეს კამისია, რომ ვერაფერს გააკეთებდა, ადრეც უნდა გვეცოდნოდა...

პატივცემული „თემის“ (№ 70) რედაქცია სწერს: „ინტელიგენციას უნდა ებრუნა სოფლის და დიდ ბანკების დაარსებისთვის, სადაც ადვილად მოიპოვებდენ კრედიტს მიწის შესაძენად გაჭირებული სოფლელები“.

„თემის“ გულწრფელ, ნიჭიერს რედაქტორს უნდა მოვახსენო, რომ სხვა ქართველი ჟურნალისტების აყოლა ამას არ არგია და ინტელიგენციას ჩვეულებრივად ამისთანა დიდ საერო საქმეში ნუ მიმართავს ხოლმე.

ქართველ ინტელიგენციას ათასი ძვირფასი, მიმზიდველი სურვილებიც რომ ქონდეს, მაინც პრაქტიკულად ვერ განახორციელებს, რადგან იგი, როგორც შვილი, სისხლი და ხორცი ვალარბებული თავდა-აზნაურობისა და გასაწყლებული ღვდლებისა, ხელუკარგილი,

უკეთა ვთქვათ, ჯიბე ცალიერია, ნივთიერად საშინლად ლატაკია...

ეს უკანასკნელი გარემოება კი ისეთი დიდი უბედურობაა, ისეთი ძლიერი შხამია, რომ ყოველივე პრაქტიკული საერო საქმე ძირშივე ისპობა ჩვენში.

ეროვნულ პროგრესისკენ, ნაციონალურ ღირებულებასკენ ქართველობას წასწევდა მხოლოდ და მარტო ეროვნულივე კაპიტალისტური ბურჟუაზია, იმისი ნივთიერი ძლიერება სისხლხორცს შეასხამდა ინტელიგენციის საიმედო სურვილებს, შემოქმედების ძალას...

როგორც წყალს შეერთებული ცეცხლი ქმნის ორთქლს, უძლიერეს ძალას, რომელიც იმორჩილებს და ამოძრავებს უშველებელ მებაზიზმებს, ისე სწორეთ ეროვნული კაპიტალისტური ბურჟუაზიის ნივთიერი დოვლათი სულს ჩაუდგამდა ამ დიდ საქვეყნო საქმესაც სწორეთ ისე, როგორც პოლონეთში ხდება და სხვაგანაც ასეთი ამბავი.

ახლა ეს საგანი აქ შორს წამიყვანს. მე განზრახვა მაქვს ეროვნულ კაპიტალისტურ ბურჟუაზიის შესახებ ცალკე მოველაპარაკო მკითხველს.

გულკეთილი.

ნ. დურნოვოს რეცეპტი მენ- შიკოვის მიმართ.

ბ. მენშიკოვი გაზ. „Новое Время“-ში წუწუნობს, რომ რუსეთი ირღვევა: განაპირა ხალხები გაქირვების დროს მხარს არ დაგვიჭერენ, ჯარი უიმედო გვეყავს, კაცები არა გვეყვანანო. ამისანა მდგომარეობაში გარეშე მტრებთან ბრძოლა შეუძლებელია... რუსეთის ორგულთა შორის მენშიკოვი კავკასიასაც ასახელებს.

ნ. დურნოვი „Петербург. Вѣд.“-ში ასეთ რეცეპტს აძლევს ბ. მენშიკოვს: „თუ გვინდა განაპირა ხალხები მოვიშხროთ და ერთგულებაში ვიყოლიოთ, უნდა სამართლიანათ და სიკეთარულით მოვეპყრათ, ასე რომ თითოეულ მათ-

განს არ მოუნდეს რუსეთისგან განდგომა ან გაყოფა, არამედ სწყუროდეს მასთან ერთი ცხოვრებით ცხოვრება. თუ გვინდა კავკასია შევიწარჩუნოთ, უნდა შევიწინაბოთ და ხელი უწყოთ საქართველოს, რომელიც 100 წელიწადი დარაჯად უდგა მას (კავკასიას), არ უნდა ვსდევნიდეთ ეკლესიას მაინცო.

დროა სასულიერო უწყებას აღარ უყურებდეთ, როგორც კონსერვატიულ ძალას, როგორც ქეშმარიტების მოსამსახურეს. ჩვენ იერარქიაში არის მთელი რიგი ეპისკოპოსებისა, რომლებსაც ძლიერ თუ ღმერთი სწამთ, და მხოლოდ განსაკუთრებით მამონას გულისთვის და შვილების უზრუნველყოფისთვის მსახურებენო“.

თქმა არ უნდა ბ. დურნოვოს რეცეპტი მოსახდენია და მარგებელი, მაგრამ ბ. მენშიკოვი მგონი ძალიან აზვიადებს საქმის ვითარებას და აზვიადებს მიტომ რომ თითონ მტერია კავკასიისა და საზოგადოთ „ინოროდებისა“ და მათაც მტრათ უყურებს. ეს ასეც უნდა იყოს. ვისაც მე ვემტრები, ყოველთვის ჩემი მტერი მგონია, თუ გინდ იგი ჩემი დიდი მოყვარეც იყოს. ავის მას ეშინია, ვინც ავს შეება. და ასეთები არიან სწორეთ რუსი ნაციონალისტები, რომლებიც ვერ თმენულობენ არა რუსებს და ამით მუდამ შურსა და განხეთქილებას სთესენ ორ ერთმორწმუნე ხალხთა შორის. ვოსტორგოვისთანა კაცკიპამია ნაციონალისტები, რა თქმა უნდა, ვისაც გინდა მტრათ გადაკიდებს რუსეთს. და ჩვენ დავიფიცავთ დურნოვოსთან ერთათ, რომ ვოსტორგოვი და მისთანანი სრულებით ქეშმარიტებას, ღმერთს არ ემსახუბიან, არამედ მამონას და კარიერას.

ხმა სოფლიდამ.

„მობაძვე ჩემდა იყვენით, ვითარცა მე ქრისტესა“ ამბობს წ. მოც. პავლე. მღვდელიც ასეთი უნდა, მობაძვე მღვდლისა უნდა იყოს ყოველ კეთილ საქმეში მისი სამწყსო. მაგრამ ვაი და ვაი, რომ ეს ასე არ არის საზოგადოთ,

და განსაკუთრებით ამ ჩვენ მიყრუებულ საჩინოში! ღმერთმა ნუ ინებოს, რომ სამწყსო ზოგიერთი მამების მიმბაძველ იქმნეს! ძნელი სათქმელია, სასირცხოა, ზოგიერთი მ-ბის გამოაშკარავებული საქციელი! უცოდველი ვინ არის ამ ქვეყნად, მაგრამ ცოდვაცაა და ცოდვაც! ნუ თუ, ამ ჩვენ საჩინოში ყველაფერი უკუღმართობა შეიძლება ჰქნას კაცმა და მეთვალყურე არავინ ჰყავდეს და ყოველი მისი სასირცხო მოქმედება დაუსჯელად დარჩეს? „სოფელი ვნახე უძაღლო, შიგ გავიარე ოჯახო“, ეს ნამდვილ საჩინოზეა თქმული. ასედაცაა ზოგიერთ ამა თუ იმ საზოგადო ასპარეზზე წამოსკუპულ სუბიექტთა საქმე. დამშლელი მათი სამარცხვინო მოქმედებისა არაინაა. არა და მათ შემხედვარე ბნელეთში მყოფთ, რა სიკეთე დაეყრებათ? საზოგადოთ მამბეზრობა, „ჯაშუშობა“, უსაზიზღროესი ხელობაა, მაგრამ ვინმეს თვალსაჩინო სამარცხვინო მოქმედება, რომელიც მთელ საზოგადოებას ჩირქს სცხებს, რომ გამოამხეუროს კაცმა, ეს ხომ ჯაშუშობათ არ ჩაითვლება? მე არ ვეხები არავის პირადობას, ვეხები მხოლოდ მის საზოგადო მოქმედებას და იმედია არ დამწამებენ— ვინმესადმი პიროვნული ინტერესებით გაყდენთილობას, მით უმეტეს, რომ რასაც ქვემოთ მოგახსენებთ იგი ყოველივე, სამწუხაროდ, აქსიომაა.

ს. დვალიშვილები შესდგება 300—360 კომლისაგან. ამ რამოდენიმე წლის წინეთ ეს სოფელი, როგორც წარჩინებული სარწმუნოებრივ-ზნეობრივი მხრით, თითოთ საჩვენებელი იყო. 1902 წ. ჩვენმა ყოფილმა მწყემსმთავარმა ლეონიდემ, დაათვალიერა აქაური კეთილგანწყობილი ეკლესია, სამრევლო შკოლა მშვენიერი შენობით და გაეცნო რა სხვა გარემოებას სოფლისას ასე ბრძანა: „ასეთი სამრევლო, როგორიცაა დვალიშვილები, თითქმის პირველია ჩემ ეპარქიაშიო“! და დღეს, 9—10 წლის შემდეგ, რას ვხედავთ? უწინ თუ თითოთ საჩვენებელი იყო სიკეთე ამ სოფლისა, დღეს თითოთვე საჩვენებელია მისი უკან სელა (რეგრესი). აღარაა ის მშვენიერი შენობა შკოლი-

სა, აღარაა ის კეთილგანწყობილი თავ-თავის დროს წირვა-ლოცვა. გაუბრძის ხალხი ეკლესიას. წინეთ თუ ტაძარში ტევა არ იყო მლოცველებისა, დღეს თითქმის ცარიელია. დაეცა ხალხი ზნეობით, დაკინდა სარწმუნოება. წირვა-ლოცვის დროს ეკლესიის ნაცვლად სამიკიტროებში იკრიბებიან და შეექცევიან ზოგნი „არღან-ღინითა“ ზოგნი „ბანქო-ღინითა“ და ზოგნიც „ცეკვა—ბუქნითა“!. ყველა ამებში ვის მიბაძა ამ სოფელმა? ყველაზედ უფრო ხშირად ვინაა წამოსკუპებული, ხსენებულ სამიკიტროებში, თავმჯდომარის ადგილზე? ვინ შეექცევა „ცეკვა-ბუქნითა“? პასუხს იქაური კი არა, ერთხელ გამვლელი მგზავრიც მოგიგებსთ! „შორს გავარდნილა მისი სახელი; ბავშვაც კი იცის, ვინ არის ვ-ო“? და განა მხოლოდ ამ მოკლეთ ჩამოთვლილი ღირსებითაა შემკობილი ეს საარაკო სუბიექტი?! განა ასე მოკლე საგაზეთო წერილში მოთავსდება ყოველნი მისნი საქმენი საგმირონი, „საჩინონი“ და „უჩინონი“? და არა მარტო ამ მიყრუებულ საჩინოში, მან უფრო შორს გაითქვა სახელი მისი „მოღვაწეობით“. ს. დვალიშვილებში მინერალური სამკურნალო საბანაო წყლებია და „დვალიშვილების აბანოს“ ეძახიან. იქ ყოველ ზაფხულობით მრავალ-რიცხოვანი ხალხი მიდის საბანაოთ დასაველეთ საქართველოს ყოველი კუთხიდან, უფრო კი გურიიდან; ცნობილი „ე-ოც“ თითქმის ყოველ დღე განუშორებლათ „აბანოზე“, არა საბანაოთ, სამიკიტროების „სარევიზიოთ“ და არღნის ქუიბინა ხმაზედ „საბუქნაოთ“.

— კაცო რაი ვნახე ავი საჯაცი, რა ყოყოფილა აი დვალ-ბის ხ-სი? ხშირათ გაიგონებთ საბანაოთ ნამყოფ გურულებისაგან. ერთი სიტყვით ყოველი მისი ზნე-ჩვეულების აწერა მოუხებრებელია. თუმცაღა მკვიდრნი იმ სოფლისანი ღრტვინვენ, პროტესტს აცხადებენ, მაგრამ ჯერ-ჯერობით ყოყოფივე „ხმად მღალადე ბლისა უღაბნოსა შინა რჩება“. რატომ ადგილობითნი მეთვალყურენი ყურადღებას არ აქცევენ ასეთ აშკარა სამარცხვინო საქციელს ზოგიერთებისას? რატომ არ ებრალდებათ მათი შემხედვარე ბნელეთში მყოფი ერი?

სხეებზე შემდეგ.

Z.

ზრ. ღიასამიძის უპიკითხვა თფილისის სა- თავადაზნაურო კაბაზაზე.

27 მაისს თფილისში თავად-აზნაურთა კრებაზე გრიგოლ ღიასამიძემ შემდეგი განაცხადა: „მე მსურს თავად-აზნაურთა კრების, ბ.ბ. წინამძღოლთა და დეპუტატთა ყურადღება მივაქციო ერთ ფრიად სამწუხარო და სავალალო მოვლენას. საგანი, რომელსაც მსურს შევხებო, ჩვენს შორის უთანხმოების ნაცვლათ, ერთსულოვნებასა და სოლიდარობას გაამეფებს. იგი იმდენათ სერიოზული და მნიშვნელოვანია, რომ მისი გადაფუჩეჩება, მის შესახებ დადუმება ყოველად შეუძლებელია. არ იფიქროთ განზრახვა მქონდეს, რომ ამით არჩეულ აზნაურთ უსიამოვნება მივაყენო. დარწმუნებული ვარ, რომ ისინი გაიზიარებენ ჩემს აზრსა და გრძობას. მე ვამბობ იმ არასასურველ ფაქტებზე, რომელსაც ჩვენ ქართული ეკლესიის ცხოვრებაში ვამჩნევთ და ვხედავთ. ჩვენ შეგვიძლია, როგორც გვესურს სარწმუნოებას ისე ვუყურებდეთ, მის შესახებ, როგორც გვინდა, ისეთი შეხედულებების ვიყუევთ, მაგრამ არ შეიძლება არ აგვადელვოს და არ აგვაშფოთოს ეპისკოპოსი დავითის პიატიგორსკში ძალდატანებით გადაყვანამ და დიდუბის ეკლესიის საყვარელ მოძღვრის სხვა ადგილზე გამწესებამ. საჭიროა მიღებული იქნას ყოველივე ზომა, რაიც ძალგვიძს, რომ ეს საზოგადოების ამაღლებელი და ამაშფოთებელი მოვლენა გამოსწორდეს. ვფიქრობ აზნაურთა მთელი კრება ჩემს წინადადებას ერთხმათ მიიღებს“.

საგუბერნიო კრებამ ბ-ნი გ. ღიასამიძის წინადადება ერთხმათ მიიღო.

წერილი რედაქციის მიმართ.

მამაო რედაქტორო!

გთხოვთ ამ წერილს ადგილი დაუთმოთ „ზინაური საქმეების“ მახლობელ ნომერში.

მისმა ყოვლადუსამღვდლოესობამ იმერეთის ეპისკოპოსმა გიორგიმ ნება დართო ლაშხეთის ოლქის სამღვდლოებას და წირილთაც აცნო-

ბა აერჩია ბლაღოჩინი, თანაშემწე და კანდიდატი, რაზედაც დანიშნა კრება სამღვდლოების ს. ჩოლურში, მოძღვართმოძღვრის სახელში. აქ წარმოსდგენ საბლაღოჩინო კანდიდატებათ: მღ. ტარასი ფოფხაძე, მღ. სოლომონ ჯანხოთელი და არსენ ონიანი; კიდევ ერთიც იყო, რომელსაც მოციქულის პირით კრებამ გამოუცხადა სირცხვილი არ ეჭამა და თავის ყუთი მოეხსნა. ამ სამ კანდატთა შორის ორსაც წინადადება მისცა კრებამ ერთი მეორისათვის დაეთმოთ, მაგრამ ნაცვლად დათმობისა ერთმა მათგანმა განაცხადა: „ჩემს ლუკმას მე არავის არ დაუთმობო“. აქედან კრებამ ცხადათ დინახა, რომ იმ პირს არ სდომია კეთილ-მოწესეობა, არამედ ლუკმის შოვნა. ყველამ კარგათ გაიგო რას ნიშნავდა ეს სიტყვები და ამიტომ ლუკმის მაძიებელი უარყოფილი შეიქნა.

ამა 1912 წ. 11 მარტს „ზინაური საქმეების“ № 9-ში დუწერია ვილაც „დამწერს“ არჩევნებს ფაქტიკურად აწარმოებდა ახლად ნაკურთხი მღ. ჩხეტიანიო. მე რა უფლება მქონდა არჩევნების წარმოებისა, მაგრამ, რადგანაც მქონდა გამოცდილება არჩევნების წარმოებისა და უქაზის ძალაც მესმოდა, ამისათვის მთხოვა კრებამ მოძღვართმოძღვართან ერთად მისი წარმოება, რაიცა კიდევ ჯეროვნად აღეასრულე. მაგრამ ლაშხეთის ოლქის სამღვდლოებას არ უნდოდა კეთილმოწესე საში და ოთხი, არამედ ერთი და კიდევ აირჩიეს ერთი—მღ. ტარასი ფოფხაძე.

ესლა ბატონი მკითხველები ძალიან კარგად მიხვდებიან, თუ ვინ კენესის, ის რომელსაც გული სტკივა, თუ ის რომელიც კარგათ არის. ბატ. „დამწერს“ ბძანებს ყუთის მაგივრათ ორი დიდი ქისა იყოვო. თუმცა ამას დიდი მწუნელობა არა აქვს, მაგრამ ვიტყვით მაინც, რომ ტყუილაა ეს ცნობა, რასაც მთელი კრება დამტკიცებს. ყუთები გვქონდა ჩოლურის საგლეხო კანცელარიიდან მოტანილი, რომლებიც იყვნენ გაკეთებული რიგისამებრ.

ამ ჩემ წერილს ვაბოლვებ მით, რომ დიდი მადლობის ღირსია მისი მეუფება, იმერეთის ეპისკოპოსი გიორგი, რომ ჩვენში განხეთქი-

ლება წინდაწინ უგრძენია და კეთილ მოწესდელ ჯეროვანი და ღირსეული პირი მღ. მ. იოანე მუსერიძე დაუდგენია.

ჩუქულის მთავარანგელოზის კლესიის მღვდელი.
პორფირი ჩხეტიანი.

ნეკროლოგი.

ერთი წევრი კიდევ მოაკლდა ჩვენ სასიქადულო „ძველი მოძღვრები“-ს რიცხვს; კიდევ ერთიც მოშორდა ახლანდელ სარწმუნოებრივი გულცივობის დროს და თან წაიღო შემაძრწუნებელი ამბავი ამდროინდელი სარწმუნოებრივი გულცივობისა. საბრალო თავის სიცოცხლის ბოლო ეამში მუდამ გულტკივნეულად იყო, მწარედ გოდებდა სარწმუნოების მხრივ დროების უარესობაზე და ამბობდა: „რათ მოვესწარი ამდენ „ანტეკრისტეს“ მოციქულებსაო; ვაი თუ ცოდვა ისე გავგიდიდდა, რომ ღმერთმა ჩვენგან ხელი აიღო და სოდომისებურათ აღგვას გვიპირებდესო“. მღვდელი მ. ანტონ ოდიშარია, რომელზედაც ჩვენ მოგახსენებთ, იყო 48 წლის ნამსახური მოძღვარი და განისვენა 15 გასულს თებერვალს. ამ ხნის განმავლობაში მან დიდი ღვაწლი დასდო თავის სამწყსოს, როგორც ზნეობრივ-სარწმუნოების მხრივ, ისე ენითიერათაც. ის შკოლებში არ იყო ნასწავლი. მან სწავლა-განათლება მიიღო მარტვილის მონასტერში ნეტარ-ხსენებულის ქყონდელის ტარასის ხელმძღვანელობით, რომელმაც პირდაპირ შთაბერა მას ბერობის სული და გამოჰქნა მისგან მღვდელ-ბერი. მისი გრძობიერი და სასოებითი ღვთის მსახურება სწორეთ რომ ძველ მორწმუნე მამებს მოაგონებდა კაცს. როცა ის საღმრთო ლიტურგიას ასრულებდა, მხოლოდ მისი აჩრდილი-და იყო ქვეყანაზე ყოველ დილა-საღამოს, მიუხედავად იმისა იყო თუ არა მწირველი, ასრულებდა ხოლმე მწუხრისკარ-პარაკლისს. ამითი იმან დაიმსახურა სამწყსოს თვალში წამდელი მოძღვრის პატივი და სახელი. კიდევაც ამიტომ ეტანებოდნენ იმას არა მარტო თავისი სამწყსო, რომელსაც იგი მგტის-მგტათ უყვარდა, პატივს სცემდა და „ჯე-

რონად ისმენდა მისსა“, არამედ გარეშე სამწყსო-სომებიცა. ლოგინად ჩავარდნის უმალ მან სიზმარში ნახა, რომ ზეცისკენ იწვევდნენ. მისი სიკვდილი წამდელ მართლის სიკვდილი იყო, ნეტარხსენებულმა ღიმილით განუტევა სული. სიკვდილის წინ მან თავის შვილი, შვილიშვილები და მის სანახავათ მოსული მოწაფენი აკურთხა და უანდერძა, რომ არავითარმა განსაცდელმა არ შეაფერხოს იმათი ღვთისადმი ერთგულება.

საუკუნოთ იყოს ხსენება შენი, დაუღალავო ქრისტეს ყანის მუშაკო, მ. ანტონ!
მღ. კ. დანელია.

მადლობის გამოცხადება. მამაო რედაქტორო!

უმორჩილესად გთხოვთ ნება მიბოძოთ თქვენი პატივცემული გაზეთის „შინაური საქმეების“ საშვალეებით უღრმესი მადლობა გამოუცხადო პირადათ და მრევლის მხრით ბატონს მიხაილ ერასტის ძე დარახველიძეს, რომელსაც, როგორც თავჯდომარეს კომიტეტისას, ბევრი შრომა და ღვაწლი მიუძღვის რწმუნებულ ჩემდამო დაფნარის ზედმიწერილის ღვთისმშობლის ქვის ეკლესიის აღშენებისთვის და რომელმაც შემოსწირა ამ ეკლესიის აღსაშენებლად 1053 მანეთი და 51 კაპ., და მოსაწყობათ შემდეგი საეკლესიო ნივთები: 1) ზარა ღირებული 300 მან., 2) კანდელი ღირებული 110 მან., 3) ორი სასანთლე 40 მან., 4) ღვთისმშობლის ხატი-14 მან., 5) გარდმოხსნა-18 მან., 6) სამღეროვანი სასანთლე 5 მან., 7) სათლის საწყობი შკაფი 12 მან., 8) საცეცხლური 5 მან., და კიდევაც ეკლესია ესე ეკურთხა 22 მატს ამა წლისა მისივე ხარჯით. ამასთანავე ამა ეკლესიის მახლობლად იანერის თვეში ამავე წლისა დარახველიძემ 450 კვ. საჯ. მიწა იყიდა 200 მანეთად და შესწირა დაფნარის სამრევლო შკოლას; ფულათ მიიტანა შენობის ასაგებად 300 მან., გამოიტანა პლანი გუბერნიის სამართველოდგან და აშენებს ქვის შენობას

დაფნარის ორ კლასიან სამრევლო სკოლისათვის. ღმერთსა ვსთხოვ გვიცოცხლოს ბ. მიხაილ დარახველიძე მრავალს წელს სასიქადულოთ და საკეთილდღეოთ ჩემი მრევლისა, რომ შეასრულებიოს უფალმან ყოველივე მისი კეთილნი განზრახვანი.

ამასთანავე გთხოვთ უმორჩილესად თქვენის საშვალეებით სხვა ჟურნალ-გაზეთებშიდაც იქნეს მოთავსებული ეს ჩემი მცირე მადლობა.

მღვდელი ამბროსი კანდელაკი.

რედაქტორი მღვდელი სიმონ მჭედლიძე.
გამკეომმელი იოსებ ლეჟავა.

განცხადება

„ძმობის“ სტამბაში ამ ჟამად იბეჭდება და მოკლე დროში გამოვა გასასყიდათ წიგნები

„სინაგღვილე სახარებრისა“
და უბის
„ვეფხვის ტყაოსანი“

ფასი თითოეული წიგნისა ექვსი შაური. დაკვეთა დღეიდანვე შეიძლება.

(ძმობის სტამბაში)
დაიბეჭდა მეტრიკის ამონაწერილობის ბლანკები.
იყიდება იქვე.

სტამბა „ძმობა“

კახაკოვის ქუჩა, № 17,

ღებულობს ყოველგვარ სასტამბო საქმეს
ასრულებს დროზე და სუფთათ.

ფასები დაკლებულია.

**სამხატვრო
სახელოსნო**
ყირიაკოვისა
ქუთაისში.

ღებულობს ყოველგვარ სამხატვრო-საეკლესიო სამუშაოებს, ასრულებს დროზე, სუფთათ, საიმედოთ და სინიღისიერათ.

ფასები ნახატების ღირსებაზე და ზომაზეა დამოკიდებული და ყოველ შემთხვევაში საშუალოა.

სამხატვროს არაგვისთან დამოკიდებულება და კავშირი არა აქვს და ამიტომ ყველას სთხოვს პირადათ მასთან მოიქცენ და არ დაუჯერონ ზოგიერთ ჩარჩ მხატვრებს და მოიჯარადრეებს რომლებიც ჩვენი ფირმის სახელით სარგებლობენ საქმის აღების დროს სოფლებში. სამუშაოებს პირობით ვღებულობთ, თუ მოწონებული არ იქნება სასულიერო მთავრობისაგან უკანვე ვიბრუნებთ და სხვას ვასრულებთ იმავე მთავრობის შენიშენისამებრ.

ჩვენი ფირმა სარგებლობს იმერეთის და გურია-სამეგრელოს ეპისკოპოსების ნდობით.

აღრმისი: „შინაური საქმეების“ რედაქცია ან კახაკოვის ქუჩა № 17.